

Fouxnyenz Yauzcuz Denzlinz: Duj Va'ndoeng Gyaеundeі Youq Ndaw Suenva Yisuz Vwnzva Cungguek Angjhai

田林瑶族铜鼓舞: 美丽的山花在中国文化艺术百花园中绽放

□ Gwzbingz Bwzhaij



Moix bi ndwencieng, Denzlinz Yen Lucwngz Yauzcuz Yangh Sanh-yauz Cunh cungj vunz lai vunz daih, sing gyonglaz gyukgyad, nauhyied raixcaix, caenh raen gyoengq beix-nuengx Yauzcuz cingq gaem saihwet lai saek vad gyaepbangx hopheux aennyenz gyongfaex angqyangz diuq-foux, banh gij hozdung vwnzva fung-sug ndawbiengz fouxnyenz Yauzcuz bi gvaq mbat haenx, caemh miz haujlai vunzhek humx youq seiqhenz yawj nauhyied, daengx mbanj angqyangz hoenghhwd.

Fouxnyenz Yauzcuz dwg cungj hingzsiq diuqfoux ndawbiengz beix-nuengx Yauzcuz Denzlinz cauh ndeu, youq ranghdieg Lucwngz Yauzcuz Yangh caeuq Bingzsanh Yangh doenghdieg neix riuzcienz, daengz seizneix gaenq miz song bak lai bi lizsij, dwg suenva yisuz vwnzva guek-coj ndawde duj va'ndoeng gyaеundeі ndeu. Aennyenz dwg doxgaiq dijbauj cojcoeng Yauzcuz Denzlinz senjdieg youq raekdaiq ndeu, itcig ndaej yawj guh saenzlingz. Moix bi ndwencieng co'ngeih daengz ndwengeih co-engeih, daengx mbanj vunz cungj gag doxcomz hwnjdaeuq angq diuq foux gyong nyenz, lauxnyaеq saimbwk fwngz vad din diuq sim angqyangz, sing gyong naemqhaenq haprwenz, aeu neix daeuq angqhoh ngoenzciет, geiqniemh goengcoj, mbaenjgouz ndangrengz souhyienz, dajciengx maj vaiq, haeuxgwn fungsou. Bi 2008, fouxnyenz Denzlinz ndaej lied haeuj guekgya gaep feihvuzciz vwnzva yiz-canj mingzloeg.

Fouxnyenz Yauzcuz cujyau miz aeu nyenz, caeq nyenz, roq nyenz, haem nyenz seiq hangh neiyungz. Ngoenz haenx, daengx mbanj lauxnyaеq saimbwk cungj cangndang moqsup ronghlwenq, youz goenglaux ndaw coengcug cujciz, guh aen yizsi "aeu bauj" bi guh mbat ndeu haenx,

dawz song aen nyenz aen goeng aen buz haenx vat okdaeuq, baij hwnj daizyieng, aeu doxgaiq dajcuengq. Caeq nyenz sat le, goenglaux heuh bouxcoz ndaw mbanj dawz sam aen gyong venj hwnjdaeuq, youz goenglaux sien roq gvaqbae lwnz ndeu, riengzlaeng vunz lai cij doxlwnz bae roq. Roq gyong hainduj seiz, gij doengh numqmenh unqnemq, cug-ciemh gyavaiq, sing gyong sanghaenq naemqrwd, doeklaeng lumj ok rumz hung doek fwn raq. Song boux roq gyongnaeng' vaiz haenx dwg bouxlingxfoux, gyoengqde doq roq doq foux, saekseiz naj doiq roq, saekseiz baenq ndang roq, gaiquizroq mbouj dingz mbouj duenh dwk daj laeng-gyaеuj, laenghwet, lajeiq iet okbae, youq gwnz naenggyong doxlwnz roq-daem, banj roq sienmingz, gij doengh doxdaengh, ciepswnj redfwd. Doengzseiz, loxlez raez, loxlez, aendig, gyongbenj, laz, nauzcmq cungj caez yiengj hwnjdaeuq buenxfoux. Seizneix, gyoengq lauxnyaеq saimbwk caemh fwngz vad saihwet lai saek, gyongx diuzgaeu roxnaeuz gyaep-bangx, hophumx gyong' venj diuqfoux hwnjdaeuq, ciengzmienh hoenghhwd, gyukgyad nauhyied. Sien diuq 《Foux Gvaengxluenz》, riengzlaeng doxrangh diuq hwnj 《Foux Couxcin》《Foux Dwklongj》《Foux Fungsou》. Diuqfoux funggek daegbied gag miz, yienghfoux



▲ Gij doengh roq gyong lai cungj lai yiengh.



▲ Bouxswnjcienz roq nyenz son vunzmbanj roq nyenz diuq foux.

◀ Fouxnyenz mizyinx vunz maij yawj.



▲ Caeq nyenz yizsi niemh goengcoj.



▲ Gyoengq vunzmbanj riengz sing gyong diuq fouxnyenz.



▲ Foux dwklongj mizyinx raixcaix.



▲ Loxlez gyonglaz yiengj gyukgyad coux hek.



▲ Mehmbwk yienj roq gyong caemh ndei yawj.



▲ Nyenz gyong roq yiengj hwnjdaeuq.



▲ Gyoengqnyez Yauzcuz ndaw mbanj angqyangz coux hek.